



^ 16
2676
4



16
2676
4



梨雲館類定袁中郎先生全集卷之五

公安袁宏道中郎著 孫憲健菘圃重鐫

五言律 上

盧溝道中

驛路風塵苦殊方
伴侶稀馬猶思並轡
鳥也厭孤飛
樹老春無態
雲生山有衣
紅亭拚一醉
留

五言律上



袁中郎先生全集 卷五
着鬪寒威

良鄉道中憶弟

同調古無有相憐今亦稀如何萬里去又作兩
行飛孤塔衝人立寒雲並馬歸長安三月裏好
得看輕肥

宿涿川

旅館侵霜氣踈題度月明侍兒偎火語黠鼠背
燈行別弟心常楚離家夢不清相去未半載馬

足幾千程

河間逢北去人寄書口號

爲報東征使行行路若干長途雖厭倦弱體幸
平安逆旅春無况離亭夢亦寒愁心揮不斷日
暮幾千端

夜行

野暗毛精壘天昏太史河陰林晴見火山店夜
聞鑼獨樹疑人立衝風似鬼過僕夫前慰我官

路已無多

郵亭小餐

獨上江亭憩溶溶水泊堤庖人供薄餅童子薦
香梨朱鬣魚三寸白花酒半提黃昏人欲去窗
外馬頻嘶

高唐道中

好似蘇季子辭燕又向齊鄉心隨日暮望眼盡
天低古道荒人影寒沙重馬蹄如何愧小鳥不

占一枝棲

過滕贈縣尹趙年兄乾所

乘月過滕里踏沙度薛城山雲封去馬野葛翳
行旌官舍栽花徧民家種柳成停車問父老之
子有能聲

舟中

白鳥當窗坐青山映水行看雲諸態冷弔古百
愁生近海魚爭大隣淮酒欲清長亭不可數回

袁中郎先生全集 卷五
首呂梁城

舟中同黃綺石沈廣乘湯隕陸賦

天上飛王鳥人間附郭舟霞光晴入市雲氣晚
成樓肝胆皆知盡腰肢各未休浮生尙五斗空
復念滄洲

往有誤傳龍君御死者作詩哭之後讀塘
報始知君御方立功塞上喜不自勝因并
前詩存之以識交情

舌簇分明巧情鍾分外癡傳君無妄死累我斷
腸詩擲果嬌胡女從軍小健兒陰山三尺雪千
里白旌旗

附哭詩

可憐千片玉竟作一堆塵住世燈前影居官浪
裏身從來善飲叟頗亦健精神曾不得四十傷
哉如此人

其二

不合成遷客那堪掩夜臺人應銷朽骨鬼亦溺
寒灰海濶羈魂度天昏怪雨來高堂懸愛子早
晚若爲哀

其三

多少人間死於君特愴神玄言從此盡白日奈
何春禮法讐狂士乾坤侮儁人再來如有意莫
見宰官身

鶴林寺和尚

竹裏逢開士花間覓著書禪觀今果足文字往
因餘聽雨知魚樂開軒任柳疎自憐嬰世網敢
復事空虛

舟中

莫自夸強項逢人且折腰微生信坎止作吏也
逍遙山月領歸棹江雲湊晚潮古來差快意唯
有一王喬

同江進之登金山

白浪三千頃蒼巖二十盤
鮫人分夜火龍女給
晨餐潮湧天難定地孤石也寒
由來多勝迹草裏讀碑殘

其二

寶楯千年碧爐烟鎮日青
穿藤逢石怒倚險嗅
波腥龍過吞人影潮來念佛經
幽期如可訂住此學沉冥

渡太湖

野樹澄秋氣孤蓬骨晚暉
漁舟懸網出溪叟載
鹽歸山疊鷓哥翠浪驅白鳥
飛暮來風轉急吹水濺行衣

泊西洞庭

白浪浸天冷青山引黛長
朝童迷水怪夜女出
江黃種橘皆成市鑿山半作堂
路疑煩指點洞口覓漁郎

東山晚望

轉厥人間少翻愁大地空石枯山眼白霞射水
頭紅浪惡驚三老魚稀祭五風奇峯探不盡點
點亂流中

乞歸不得

不放陶潛去空陳李密情有懷慚狗馬無路達
神明竹影交愁字鶯啼作怨聲但憑因果在隕
血誓來生

紀宦

薄宦經年許心情好欲慵詩書攻俗諱耳目信
塵封生女從呼因學音漸是儂令吳何所有震
澤兩高峯

初杜門

一笑揮銅綬高眠謝部民放風疏垢髮信懶着
閑身吏省公移字堂清案牘塵靜居堪養性州
郡但勞人

齋居戲題

袁中書先生集 卷五
深入終防餌高張遠避羅課兒書上字聽客唱
吳歌檢藥神方少疏經悟語多一枝生計足五
斗奈人何

戲柬江進之

作令真成累全身總是歸道傍春自謔人裏鬼
相依緩繫牛皮帶寬披燕子衣雲霄終有翼學
取一行飛

惜日

芳樹低簷淺遊絲繞戶牽閑情觀秘戲消日坐
枯禪范蠡藏身險莊周入夢顛浮生如石火何
物可長年

任意吟

解帶腰肢免投閑意態疎縱心搜樂事信口釋
羣書萬物齊非馬千仙飽壁魚有名終是累無
用可還虛

荒園獨步

寒食春猶爛東風草自芊花燃無焰火柳吐不
機綿宦博人間累貧遭妻子憐一官如病旅直
得幾緡錢

病起

病起心情太閒來禮法疎愁聽傳事板懶荅問
安書不去終慚鵠無才合類樗何如逃世網髡
髮事空虛

夜起

涼月穿紗見微風響樹來夜蟲親火語窸鼠觸
明迴坐臥憑書遣行藏作謎猜終宵眠不得無
計緩愁哀

偶成

嵇叔終疑傲陶潛總任真祇因圖事簡不敢恨
家貧宦邸爲歡少鄉書報死頻彌天都是網何
處有閒身

獨坐

胸臆知難盡行藏未可陳攤書嫌字小烹水試
茶新撥悶占茅卜祈歸拜土神閒雲與倦鳥終
是一流人

述懷

歲月無停晷遷流快織梭寐來趨夜壑老去皺
恒河悟法東西祖藏身大小何一漚能幾許枉
自着愁多

和江進之寒山寺之作

山寺依人境乘閒且杖藜好花營地種熟鳥認
枝棲洗鉢防茶老開軒礙竹低西來空有義記
取鷓鴣啼

其二

忍草侵堦徧慈雲滿座飛愛花僧是業伺食鳥
成機一榻書和卷三生鉢與衣塵勞方未已合
掌願皈依

初夏同江進之坐孫內使池臺感賦

真中郎先生全集 卷五
竹隱千花徑。亭開卍字欄。銀塘驕水鴨。羅幄護風蘭。邸報傳來閩民膏到處。難東南。供費極不。忍更凋殘。

其二

細果亞枝重。垂藤拂幔低。檀烟薰睡犬。松子食雛雞。情鳥雄雌狎。名花姊妹齊。繁華終有氣。端不似山棲。

登陽山

巉石蹲如象。枯松駁似鱗。鶴仙何處是。龍母果然神。穴有能言獸。巖多不語人。吳宮零落盡。踪跡果誰真。

飲徐叅議園亭

古徑盤空出。危梁濺水行。藥欄斜布置。山子幻生成。欹仄天容破。玲瓏石貌清。游鱗與倦鳥。種種見幽情。

贈江進之

苑花經四果門柳近千枝年儉遲君俸官貧獨
我知痛民心似病感事淚成詩不是催科拙由
來薄繭絲

其二

數疊銅符篆一揮案牘塵賓朋曠事簡妻子怪
官貧德畏民無獄道治鬼不神知君本仙令家
世武陵人

其三

窺銅憐貌減裏鬢覺霜欺鄉語青奴誤宦情白
鳥知佳兒能問字小婦與填詞解得庭中樂閒
官亦可爲

其四

幾年名茂宰豔冶古長洲霸氣吳宮盡濤聲震
澤秋花深苑作國人去館爲樓簫管家家曲那
能不醉侯

其五

袁中書先生集卷五
端居持簡體吏隱見仙才案牘皆詩料紛厖入
酒杯橫鳥移卵去靈鵲抱巢來一見逍遙作知
君笑口開

其六

債子今應長錢兒久不神簿書行流水叅佐擁
空塵蓄古頻分客題詩每向人退齋修竹裏盆
沼漾文鱗

其七

嘗膽經時苦勞薪幾日休禿鬚黃印綬芒履足
平頭簿領分從事腰肢惱督郵可憐人似玉羸
得髮如秋

其八

專諸遺舊劍西子變新娥國大遊民聚時清豔
事多炫城花似面絡地水如羅團扇前溪上吳
娘唱子歌

邱長孺

不問南和北都成故與新
放開雙孔眼閱盡一時人
言語誰同味肝腸孰最真
金陵居可買是
否作佳隣

其二

橫金米如珠洞庭春似雪
只恐君不來君來我
當設酒可供千人米亦勾
三月君來當卽來
明日吳令發

張伯起

兩年稀面見一字到官疎
白石連雲煮青苓帶
雨鋤尊前紅拂傳花下
古釵書兄弟多名理何
山故不如

曹以新

踪跡人間冷生涯一世疎
近花安酒白避雨約
牀書文雅王元美清夷
孫太初長慶名不死有
子亦爲餘

張幼于

家貧因任俠譽起爲顛狂盛事追求點高標屬
李王鹿皮充臥具鵲尾薦經牀不復呼名字彌
天說小張

皇甫仲璋

愛客常投轍登盤必市鮮茶烹無色水香煉不
燃烟高士披先傳稽勳拾舊編藤花繚閤子點
點綴青錢

劉子威

盛事推宏正高才足雁行丹臺函姓字石鼓篆
文章管庫名伊呂閉門讀老莊時賢零落盡天
壤一劉郎

其二

山居忘甲子玄想證無生天意私高士人間瑞
老成文章不死藥形體歲星精避世羞藜火挑
燈傳五行

縣齋孤寂時曹以新王百穀黃道元方子

公見過有賦

宦向清時嬾囊添舊日貧琴孤將贈客鶴慣不
疑人怕死歸婆子休官謝鬼神寒雲流日影霞
氣赤鱗鱗

題方子公蓼莪館

卜築依蒿里高篇寄蓼莪天空猶墮雪地苦不
生蘿夜月呼山鬼秋墳咽楚歌近軒多古柏攀
折淚如何

歲暮卽事

蘭焰添燈重花光簇夜紅綠枝閑玉剪金帖冷
屏風宦意如霜草鄉心折晚鴻誰能學少女眉
畫入時工

除夕同王百穀皇甫仲璋方子公衙齋守

歲

嬾貼宜春字聊爲卒歲歌官能容脫網客喜不
張羅始覺門如謝剛慚肉似何江湖新管領一

徑白雲多

元日述懷

客署閒花事，鄉心醉柳條。
閉門春草長，高枕白雲騎。
牛馬呼仍在，鷓鴣路已遙。
有田堪種米，罄折笑前朝。

元日方子公對奕

三百爭馳道，十千計賭錢。
屠蘇慚得後，弈品僭居前。
花錦添新日，霜毛減少年。
誰能黑白裏，悟

得遠公禪

述懷

種樹先芝桂，裁衣度薜蘿。
做圖懸祖炳，敗絮擁妻羅。
邱壑馳驅甚，玄虛色相多。
市朝無拘管，何處不漁蓑。

病痊

病合當求去宦情，非是闌與其官。
作病寧可活，無官腰膝皆相賀。
妻兒亦自驩，高堂垂萬里誰

與說平安。

苦雨

轉覺雲沉重翻疑天苦辛橫將無厭雨淹殺有情春山作龍鍾貌花如失意人百錢一斗米誰與貸官貧

宿惠山僧房

小閣寒灰火清香古佛顏潮來吹雨葉雲起疊山鬟白恰隨人指青峯送客還紅塵觸處到長

日下幽關

其二

排遣何曾達思惟亦是塵病翻爲樂果髮在是愁因松老皆成佛。花清亦避人。禪棲如竇許色色可怡神

初晴

瞰日遲遲影和風淡淡新山微舒態度柳小足精神宗測當如祖梁鴻竟傍人欲從遊客飲除

裏覓紗巾

偶成

世事憐貪餌同群恠獨翔
攤書時引夢臨水或
思鄉兄弟皆年小山林之日長行藏細檢點多
半是襄陽

其一

佛大剛盈尺山高也避塵
時時聞戒定法法遇
貪嗔竹粉遺天女松脂
食道人南能休借問卽

汝是前身

其三

羈客胸懷少天涯伴侶稀
未須愁獨立終是念
歸飛雲來吹水葉潮去
落沙衣酷憶湘江上梅
花伴釣磯

寄江進之

吏老心尤苦才清調轉孤
花飛常亂押梅氣欲
侵符舊俸開來否新糧
勾也無政成須勉強尺

步是嗽途。

嘉興道上過古寺

金盡沙爲地竹枯水過籬
龍池蛙帶子佛頂雀
啣泥古迹錢王是殘經
宋代疑道旁龜剝落草
裏臥豐碑

嘉興道中

彌野桑成市排溪柳作衙
菜香齊吐甲樹煖欲
蒸花天色滑如卵江容潤似紗
酒帘青帶上三

五聚邨家

過龍井

數盤行井上百計引泉飛
畫壁屯雲族紅欄蝕
水衣路香茶葉長畦少藥苗
肥宏也學蘇子辨
才君是非

飲湖心亭

便可無方丈何須說洞庭
雖云舊山水終是活
丹青濃淡粧常變天喬性亦靈
白波千丈許最

好湖心亭

靈隱路上

柳縷時常冒花溪不斷飛因尋澗底水忽過樹
傍扉面熟逢僧問心閒數客歸沿流多石趾儘
可作漁磯

其二

柳光吹綠焰溪雨作紅烟花氣蒸雲熟石紋帶
乳鮮聞香知草性隨例與茶錢淡冶應無比幽

奇亦可憐

其三

細鳥傷心叫閒花作意飛芳蹊紅茜雨古澗綠
沈衣豔女逢僧拜游人緩騎歸幸隨真實友無
復可忘機

過靈峯

冥漠烟如醉空濛日帶青有山兼有澗宜榭復
宜亭避客愁雲熱拜僧怕佛靈無心豎拂子隨

意舉蓮經

過龍井

都說今龍井幽奇踰昔時路迂迷舊處樹古失
名兒渴仰雞蘇佛飢叅玉版師因循坐谷口欲
去復還疑

去湖上

浪迹西湖上兒童問總知能言出入處及與往
來期不忍題歸字終難滯許時眼前雖別去只

恐病相思

天真書院陽明講學處

百尺頽墻在三千舊事聞野花粘壁粉山鳥煽
爐煨江亦學之字田猶畫卦文兒孫空滿眼誰
與薦荒芹

初至紹興

聞說山陰縣今來始一過船方尖履小士比鯽
魚多聚集山如市交光水似羅家家開老酒只

少唱吳歌

吼山觀石壁

知不是天造良工匠意成千年雲氣老七日渾
沌生精崇虛無出猿猱嘆息行道傍因借問恐
是越王城

蘭亭

定武石空在蘭亭蹟已譌清流大概是峻嶺果
然多古屋穿新雷蒼松瘦老柯墨池閑貯水猶

得放邨鷺

諸暨縣

近水多魚稻依山卽市廛野人朝閉戶溪女夜
牽船俗健惟貪訟田寬務積錢僻居滄輒少客
到也喧傳

贈高峯

捉得松爲柄粘來紙作衾山雲嬌老態谿水有
無心掛錫沉香樹安禪天竹林西來閑會取空

跡寄飛禽

贈海禪

海公知道者閒雅好威儀
餉客雲千斛論心棒一枝
豈無真法友畢竟所依誰
余亦貪佛去因君乞聖師

宿雙清庄贈印上人

百折琉璃沸千峯帝網羅
更憂塵界少卻礙嶺雲多
說法烏成馬窮源水是波
死關真箇死賺

爾兒孫何

贈蓮小師

解法生明本登山熟導師
閉門常禮懺會境也題詩
耘石分香草煎花供茗麋
人天一隻眼望汝小廝兒

潘庚生館同諸公得錢字

山色重重冷雲容片片
鮮花風香水氣梅雨潤
苔錢茶別松蘿味蘭銷
鵲尾烟每于詩外旨悟

得句中禪

贈景升

塵柄韻如屑匡牀味似禪
閒惟追酒伴忙亦檢詩編
是客皆停轍何人不道賢
聰明事事有大抵只無錢

宿落石臺山房

蒼翠垂三畝涼陰可一庭
茶烟和霧出燈影入流青
快眼山容熟蒸巖雨氣惺
溪聲寒到枕閉

戶了遺經

其二

不獨林園勝居停更可兒
雲生臥地石山壓傍牆枝
字母逢僧轉文心問水知
看君舉業好歧路不須疑

泛溪

小筏平如舫文紗蔽赤欄
只貪下水易誰識上灘難
蕨粉和爲饌石班鱸作盤
梅天多驟雨重

來晚亦寒

新安江

一里垂千折。一山近萬盤。草髡和尚嶺。石腐秀才灘。入峽逢天小。投厓嘆鳥難。輕舟薄似紙。未慣也心寒。

其二

咫尺愁溪盡。縈迴覺路疑。小舟尖似履。細纜密如絲。下水貪奇峻。歸舟歎嶮巇。相逢不用羨。亦有放流時。

有放流時

其二

怪石穿江出。江寒石亦寒。或從舟底見。或作假山看。聚客多茶店。逢人上米灘。溪流雖較險。下水也平安。

其四

浪惡石尤惡。膚青骨亦青。立巖聽鬼語。野燒炙龍醒。樹古疑唐族。碑欹或宋銘。可知太白老。浪

說有猩猩

其五

市郭全然少崖邨大底同谿雲千片黑山火一
絲紅暴雨蒸沙氣高巖返去風驟來應驟解昨
夜月如弓

其六

山都吟復笑猩猩語是耶非易黑江湖面純青客
旅衣草根魚子長沙末燕兒飛家信雲稍去郎

歸計日歸

其七

雲細蒸山出溪澄見底空買鹽多婦女沒水盡
兒童江有往來浪神無南北風暴流皆石齒得
失在頭工

其八

草豐不辨樹山隱卻如烟客舫因灘淺牽夫傍
兜眠誰家朝奉去幾得少年還歷盡江兒水羸

來合子錢

其九

浪子由來苦行人。大抵勞山雲低壓帽。谿雨惡
侵袍。欲得恣心意。除非伐頂毛。將鷗與鷺比。畢
竟是誰高。

其十

涼風沁石骨。快雨過山頭。筏上行沙鼠。雲中嘯
老猴。天長鴨綠水。斛許翰青舟。萬里遊垂盡。六

體休未休

贈心湛一小師

布衲裁烟霧。蒲團藉草莎。雷峯定裏火。湖水觀
中波。削髮嫌根在。忘言恨舌多。少年色力健。魔
佛奈他何。

拜長耳和尚肉身

輪相居然定。漆光與鑑新。神魂知也未。爪齒幻
耶真。一個莊嚴佛。千年骨董人。饒他銅與鐵。到

此亦成塵

憩法相

峯脚微微仄篁梢箇箇清聽鐘龍懺悔入室虎
經行鞭笞和泥重頭茶帶紙輕山僧談往事一
倍惜塵情

留別黃道元

踪跡頻頻至鄰僧箇箇知會多嫌話少坐久畏
驢飢說虎歸途法懷鴛夜夢癡一燈禪榻下竚

看小沙彌

戊戌元日潘景升兄弟偕諸詞客邀余及
洪子崖知縣踏青真州東郊以雲霞梅
柳句爲韻余得度字

一里一停棧搖搖駐青霧歌長牙板温酒響觥
籌度雪盡露山身沙平吞水步澗冷澁春泉芽
香吐枯樹

淮安舟中

夏口曹先生集 卷五
別思抽如緒醒醒也不休觸蓬風自語研櫓浪
相揉野釣空舟側荒窰古渡頭微官真可笑諺
語拾薑猴

其二

兀兀嘆淫滯西風兩日餘近牀鋪紙筆研粉類
方書觸目無非網登盤只是魚荒村經水後十
屋九家虛

其三

空郊不可行積礫與蒿平菌耳懸枯木燒痕入
古城按圖知舊壘認柳識郵程一望淮陰墓令
人百感生

其四

河隄千里道柳縷萬條腸客是粘愁蒂禪爲治
苦方鄉思魚子飯酒夢蛤蜊湯漸覺讀書懶游
蛛網筆牀

宿房村

野廓吹加勁膏微影漸黃殘壚煨糞火敗絮擁
蒿站結遠酸皮骨沙飛澁胃腸離魂相伴住合
眼見江鄉糞火出湟槃經

徐州道中

西風吹日夜千里旱沙黃馬急知韁促人疲覺
路長安心猶有法醫懶卻無方向不遂長往淹
淹名利場

濟寧守邀飲南池

踏影入春叢碑荒榻半空樹分菱藻月灘響鷺
鷺風落絮粘行牘殘觥謔小童夜深鈴卒語窗
外一枝紅

青縣贈潘茂碩

竹葉遮人吏公移只坐銷印牀生木耳廨舍長
蔬苗貧邑多詩料閒官有醉僚一城不數武容
得幾科條

入燕初遇伯兄述近事

袁中郎先生全集 卷五
撤却閭闔冗殘書且自哦官貧人事減客久爾
紋多壞壁塗僧像高窗見鳥窠詞曹雖冷秩亦
復慎風波

尊經閣偶成

一月戶長扃幽廊雨過腥雲生山被酒客去鳥
聽經碑古漏痕徧槐高日影青鄭家書帶草隨
意滿齋庭

學齋留梅子馬

踏盡高槐影青蟲落酒巾袖懷三月草衣浣一
年塵夢裏聽朝事杯中覓聖人貧厨非大祭未
有肉留賓

送張西麓之任羅平

疋馬夜郎西層山萬綠齊空江行罔象瘦嶺出
偏蹄番牒多如篆蠻歌乍似啼僻鄉名蹟少慎
勿厭標題

遊滿井

袁中郎先生全集

卷五

五言律上

三

怪我頻來去無樽亦嘯歌店荒酤酒濁僧近施
茶多竹裏分黃闕波間語翠娥溪光最勝處高
柳蔭長坡

劉常侍水軒

入室翠層層秋容分外澄花分西內種樹古北
朝僧波淨寒生簟峯高夜見燈墨光濃淡裏山
水趙吳興

其二

隨意移牀枕無窗不可眠西山籬落下流水酒
爐邊芡葉遮城壘荻花隱寺田兒童私打網時
有白魚鮮

其三

竹箭崩沙岸槐根出釣磯卷簾山放入打菓雀
鷺飛護藥添新幕拋毬換短衣倦來觀洗馬
鞮絡盡珠璣

其四

白香山集卷五
三
做屋高臨水。卑垣奧作廬。山僧能咒樹。童子解醫魚。劍珞充文具。歌謠集古書。之乎亦不識。聽卻幾盈虛。

尊經閣偶題

長戚戚何爲曲肱。愧孔尼草髡留敗砌。樹老落乾枝。飛烏啣殘字。園丁榻舊碑。鄰齋四五叟。日染愁髭。

雙寺逢本上人

高僧如瘦鶴。懶得著袈裟。雪案堆莊子。花函藏內家。問方醫病竹。郵水泛春茶。一室沉香氣。青烟吐白紗。

坐小修齋中

寒日籬花少。虛窗五尺餘。硯皴呵繡墨。壁老劇蟲書。定業詩調治。幽憂酒破除。家人攀釜看。綈錦當黃糈。

送白教諭之昌邑

依舊中山氏長然卽墨侯衣寬存禮樂篋敝裏
陽秋渤日流紅暈鹽花土黑頭到時圖海市東
去是登州

送艾教諭之鎮安

一百二秦地三千五去程山鮮充豆品野服禮
諸生把卷聽夷樂開軒見虎行猶將京國意一
洗近邊城

冬日襍興

殘菊收新藥丹書綴斷編硯呵膠婢指苔老夾
冰錢百衲支風慣空杯見雪顛緘書報知己霜
滿蠟花箋

其二

瀉紙羅紋滑飛秤石子寒菊衰愁別帶鶴老夢
歸灘香重紅膏泣粉粘白蠹殘寄聲詢衲病馳
帖報花安

其三

袁中郎先生全集 卷五
雪炷抽寒焰。辰香掃炙塵。譜詞分侍女。鬻帖與
門人。邊信封黃鼠。鄉心想白鱗。卑官與大吏。一
種逐蹄輪。

其四

殘帙隨風卷。閒窗盡日哦。膽瓶青剝落。梵唄語
殺。叱寒節。逢人少。新詩說酒多。小蠻持管笑。呵
墨寫長蛾。

美人臨鏡

一片湖州水。吹光到曉堂。暗規時世樣。校取淺
深粧。山髻平分疊。宮眉與鬪長。常時梳掠罷。背
底立何郎。

其二

強起淹餘睡。柔多豔亦多。笑時添兩靨。恨至疊
雙蛾。印指生寒暈。分釵割水波。休將明月比。仙
子不如他。

其三

野豔雲爭出幽閒萼並頭分明呈舞態只是欠
歌喉西子不離水綠珠長在樓娥英若令見匣
取洞庭秋

其四

百看百如意隨他作笑顰回釵生溜影分耀及
旁人睡少添自重思多理注頻面光滑似水脂
粉不如塵

送武岡州判張子之任

雉堞倚山鄉青娥立曉堂胥徒勤檢點蠻語細
叅詳湘竹裁荆杖藤花二牘牀荒衢通野落土
女半夷裝

人日

旅况無些子空扉闕廣輪氣寒薪少力客謝几
生塵心切投林羽身悲貸沫鱗滔滔人盡是未
始出非人

穀日懷潘景升

西湖多少地客信也難知流落依何氏
曉阮歷幾支吳娘嗔罄橐杭粉上愁髭
記得拈盃處題分穀字詩

題龍騰山房

急雨朝翻箔飛泉夏入廬竹高遺鳳子石長出
雷書山鳥啣雲語園丁帶翠鋤南岡北嶺草枯
却幾年餘

王氏雙節

玉折苦相仍彫編合並稱淚枯雙井水心死萬
年冰惡粉常芟竹淒花每避鐙霜眉白似縷閱
盡幾衰興

花朝日白蘇齋看梅

一倍惜花時寒香滴酒卮幸依無事客且喜不
蟠枝近枕通幽夢安禪伴淨尼未知白蘇老酬
唱幾番詩

昌平道中

袁口甫先生集 卷五
柳條新婉變麥隴漸柔豐閃日雲光薄翻空旆
影紅馬嘶不見鬣轂響但聞風恰爲青山去青
山塵霧中

謝在杭鍾樊桐諸兄集郊外

百晤百迴新肝腸絕少塵未言先側耳每笑必
傷神落翠沾行恰空罌或醉人石潭清到底信
手出纖鱗

送李湘洲使浙

咫尺山東道千艘與萬艦郵棲常下鶴驛飯且
炊菰閉口聽朝事降心祖佛徒不言知向越面
上有西湖

其二

別路紅橋上無情亦有歌青山遮道石流水拍
雲波北闕新知少西湖熟夢多向來題字處墨
瀋遍嗟哦

秋日集江進之王以明方子公王章甫小

修飲崇國寺

露葉滴秋窗竹香入酒缸
嬌青槐子破淺嫩菊
了雙石火增茶韻松音出
梵腔冥心真契理甕
裏有蓮邦

九日大慧寺登高遲家伯修黃平倩不至
蒼色滿諸巒如何獨自看閒僧四五衆
丈石兩三盤白額題高塚紅衫度遠欄
北風浸骨冷端不似秋殘

過通州

白舫綠油扉多時夢亦稀
浪中丹雉見郭裏水禽飛
古寺荒何代空楊瘦十圍
四年一帶水三度斷腸歸

時亡女附舟南歸先爲亡姪及姪女

寒溪道中

空巖著古花石路水紋斜瘦野多耘棗桑門屢
餉茶逢人皆說早上馬但愁沙匝地誅求盡孤
雲也失家

叢臺

夢繞陌花薰殘宮沒野耘秋空叱鳳淚陰谷女
龍雲古水空沉照飛蛾每化裙苔封埋半碣斑
剝有遺文

雨中過王官谷香光林

脫屐入春叢拾芳攜翠籠一番洗竹雨幾陣報
花風薪老知茶忌鬚長論藥功疎黃穠碧裏一
樹石楠紅

其二

爲藥常燒竹貪僧每貯糧觀心三點字疊膝一
繩牀譜石增新樣和香覓舊方黃柑栽未幾已
得五拳長

風柳

夏后傾城喜羊家通體腰蝶魂拋冷絮鶯夢惱
娼條幾日青門道當時紅版橋閒思與閒恨種
種逐烟銷

香口官分全錄 卷五

和王以明山居韻

蠟屐先春試新詩倍日吟為花常駐馬有字即
題襟竹老雲辭去廊空月到深將何伴幽冷水
響與柯音

其二

自候烹茶火閒開看竹窗方情四五眾花事兩
三椿古注多題什鄰翁也姓龐虛空繫得否無
起亦無降

其三

小石含山意柔風寓冶情卷終香字損禪起錦
綿輕第水兼新品注花帶別名晴沙看鷗母引
得小雛行

其四

飽食長腰米高撐過頂枝閒尋施藥地細剖訟
花辭霧眼添燈暈雲瓢挂瘦師山齋通夜雨腸
斷子瞻詩

香口官分全錄

卷五 五言律上

七

其五
細鳥藏窗葉幽花綴靜枝
獵心生翠管冶習露
春詩爲髮添塵骨因寒罷講期
貪嗔真可去何事併除癡

其六
潔得如霜室層層畫岳圖
僧貽少室屨舶買嶺南
孟徑僻花爭發林深鳥盡趨
趁時先貯釀莫遣渴來沾

其七
撥却閒生事孤清亦可風
半痕離樹月一影沒池鴻
種菊防沙蝨加綿濾水蟲
近郊多麥隴青鬣好柔豐

其八
幾日窮彫鏤嗒然一遇之
辟如風與水相識忽成漪
夢清雲入肺吟定髮生歧
好挾飛仙去深山伴種芝

柳浪館月中泛舟

烟樹溼茂茂殘缸細隱紅池容通國水柳散一
城風僧靜能消月庭方好貯空幽窗漁梵冷童
子印香終

瀟湘舟中別某禪人

山深影獨翔湍月似冰涼石入分泉鉢莓生瀘
藥囊樹頭懸笠子經背寫花方若遇湘君去琅
玕截許長

岳陽舟中同諸上人語

穗子碧絲繩官程亦伴僧每聞靜者語似飲熱
時冰隙月衝簾幌高雲謝繳繒七番經過地話
盡一窗燈

漢陽逢邱長孺

不是頻遊地如何亦遇君相看惟惜死所問不
離雲白恰增官韻黃蕉織水紋冶心今較可敝
笈委細裙

其二 時長孺將赴武場

解躍穿花轡學披細葉衣詩於七字長面較別
時肥怒石當江立腥鳶跼水飛他時蒲社飲倍
感友朋稀

舟中逢周行可

君是滕元發長舸破浪來入羣瞻嶽嶽顧水影
鬢鬢黃石曾窺奧稠林每亂才通侯畫地取筠
管亦何哉

登平山閣同江浦諸友論文

石路突寒松柔嵐被遠封白波千里舶青鬣六
朝鍾雲老蛟遷窟窗晴雨洗峯文心喻烟水吞
吐幾重重

將抵家園作

都說還家樂今來無此情稍稍親宿累漸漸入
愁城嶽月隨歸夢蘆風作苦聲令人仇鬢髮遮
我學無生

其二
况是風吹旆那能石作肝一門冰水淚十呈路
人寒痛絕椿堂雪孤他熊膽丸郭西原上草曾
是繡歸看

冬盡

怕見曆頭殘窮年逼小寒見人黑髮去自檢白
髭看好句逢僧得新懷語客難雲山與烟水夢
着也成歡

除夕觀諸公飲

剪却殘膏穗間觀未了棋角杯窮酒事分帖記
花時白髮羞螺子青溪訪釣絲買櫻新作笠江
海任吾之

雪霽看月和度門韻時將發玉泉

一片牙光地南宮墨不成近窗花淡泊就枕夢
孤清弔古前朝淚耽憂後夜行刻期峯頂上踏
雪共題名

舟中元夕偶談郡中舊事

又見一迴圓長江淨可憐
稍談朝野事遞語盛衰緣
萬井濃華歇孤燈沙雪前
瓶梅香楚楚似欲黦枯禪

元夕舟中同馬元龍夜話

夜深蠟焰殘月色淨諸巒近
水臨窗語和烟帶樹看貌兼
杉影瘦思入井冰寒辦得一番死
叅禪也不難

荆門道中

山勢錯隆隆斜疇苦稼同
看人登迅坂叱馬作聳蟲
廢驛崩橋石閒花遠塢風私
營與公事了不到心中

其二

十度麥城道三分漢壽侯
蠻鄉耘土瘦鬼俗見鴉愁
烈蹟窮諸夏青山讓北坵
毘尼稱弟子葷血可能休

峴山道中聞頌汪使君德政詩以紀之
閒坐說循良青槐古影涼橫身遮數郡一笑釋
權璫通國嫌稱戶生男必字陽小儒無大計束
手歎非常

入瓊臺觀

澗路曲盤盤聞香又隔灘巖欹天古拙石瘦月
高寒屢共雲封事會聞烏紀官人間三萬日洞
裏不相干

其二

一帕覆長眉深衣大帶垂無通名姓地有駕鵠
鸞時爲客烹烏藥教人悟白髭聲名與榮利膏
火露花兒

智者洞

其下有龍淵潛通印度天雲疇螺子地霧頂樹
王年就石爲君枕迷津指我船向來神怪事勿
爲小儒傳

龍灣市

閒坐說渚宮高臺集古楓萬家寒鑑上一國水
輪中遊蛤秋懷月歸蛟夜戰風楚天波捲去魚
鳥盡依空

生女

聞啼知得雌一笑慰衰羸龜策頻占鳳家人屢
夢絲瓶花香變變窗竹粉離離從此添婚嫁因
名向累兒

元日書懷

只合住烟雲全家鷗鷺羣軟黃將柳信滑碧上
溪紋花榭因窗作葑田帶水耘湖塘三十頃自
着藕根分

其二

商略正王事更番作野遊三童四冠者西嶺北
江頭水巷連祠竹沙村帶石洲官私與禪講一
味勸心休

偶成

閒坐閱年光青陽倍倍長
漸陞貧等級乍入老
班行僧說觀空法道言續命方
酒人頻啓事麩
藥供心王

月下偶成

冗嬾遂成性人皆笑此翁
坐依藤架月行傍藕
塘風萬事溪聲外
一生雲影中自從甘曲枕不
復夢三公

夏五雨不止

宴坐烏皮几昏昏似苦禪
夜燒防水吏街鼓送
神船野客團茶社山僧訪芋田
尊罍那得滿旋
典葛衣錢

賦得風雨亦來過

寤寐高齋柳窮陰到亦多
雲齊千畝稻雪捲四
時波竹裏鑪烟出花間艇子過
醉來卽高枕夢
境也清和

早秋曉行入寺

溪深菱芡香花落讀經牀露葉千疇拭風梢一
院涼白頭鷺日子亥飲烏梅湯轉入村林去瓶
罍只自將

秋夜獨坐看月

淨綠雲千樹玲瓏月一池就花來掃石宿羽忽
垂枝嬾與烟霞稱閒於水竹宜山中招靜侶幾
客似鷓鴣

柳浪襍詠

假寐日高春青山落枕中水含蒼蘚色窗滿碧
疇風適性營花石書方去鳥蟲酒人多道侶醉
裏也談空

其二

蕉衫烏角巾半衲半村民蒔藥常占日澆花每
刻辰澗毛分淨侶瀼水貸西隣卒歲學爲稼樊
須也小人

嘉中先生集 卷五
其三
得得尋花去，衝烟過柳居。
見僧詢母字，爲客檢方書。
幽夢通巢鶴，閒心繫沼魚。
浮塵無可競，競得也空虛。

八月十二日同諸公看月水軒

掃却層雲去，無塵可翳空。
鑿窗臨水上，引月到亭中。
入座鷗鳧氣，吹衣荇藻風。
開尊半白首，寧不借脂紅。

柳浪雨中時親朋多自場中歸

自起約書牀，爐烟細細長。
稍呼營酒客，新試焙茶方。
夜雨花棚綻，朝盤豆角香。
親朋遲來往，閒與杖頭場。

兩弟自文戰歸

離却至公堂，飛舠出漢陽。
新衣荷碧色，遠甕麴黃香。
牋牘頻頻出，文章字字商。
家傳弧矢訣，箇箇解穿楊。

和散木韻

閒適也相宜
楸枰徹暮棋
晚花殘蓓蕾
古榻亂
裝池雲脚纔
收雨秋容漸
上詩家家貯
新釀等
取菊開時

其二

君監馮敬通
休心壯歲中
治生菱浦月
送老石
門風每笑橫
波目閒憐
戴屋蟲禪鋒
示妻子
輸
我作龐公

其三

只合臥雲休
閒驅欵段遊
愁來鷗失渚
夢裏鹿
尋坵碧水青
烟市紅柑白
果秋斗湖新
月裏蕩
箇小漁舟

其四

老無出處累
也欲趁些忙
月課修花戶
日攜看
麓牀曉風綿
子落村院瓦
松香遍郭謀
新釀空
盃待夕陽

其五
閒隨馬少游鄉里度春秋洗藥松根下分花水
市頭請雲遮谷口與俗割鴻溝一味鷗鷺去長
年百不憂

其六
落葉蔽秋磯殘霞雨洗暉彈花蟬虎匿掠竹水
鷹飛白足遺櫻屨青燧送道衣庖童覓鱸去兼
買紫薑歸

其七
遍識今朝士無如隱者親酒澆種柳客圖寫姓
龐人鸚鵡司茶具彌猴盜角巾贈君柳浪水堪
浣胃中塵

其八
空潭獨影誰箇是好相知每笑鵬心侈閒憐鶴
壘危眼光常照淥面貌日浮危一往青山去還
愁鶴不隨

再和散木韻

平生四不宜擔糞與圍棋強從山公學生填逸
少池窗前微點石花底小裁詩稍欲裝風景休
推臨老時

其二

藤紙書一通裴詩王集中時清傳雅語格婉變
騷風麗體收花露方言辨鳥蟲綠綈閒貯取一
一示諸公

其三

顛毛老去休擬伴赤松遊盡室營新麓全身觀
古坵雲巒閒品藻花月小陽秋欲作天台訊東
陽有便舟

其四

山居饒水石消得一生忙夜雨沉丹竈秋花蔽
井牀古苔頑樹瘦乾牘老魚香夢裏匡山路斜
帆指漢陽

其五

稼圃也優游山莊又一秋迎風收栗子過雨剪
花頭自洗蒙苔石聊通滯葉溝間中真本草蠲
忿與忘憂

其六

夜雨水平磯朝暎樹樹暉籠中珍鳥語天外拙
鳩飛古杖藤花笠垂綠板摺衣形容堪畫取畫
作虎溪歸

其七

幽居長在定直與簡編親東魯先夫子西方古
聖人侍兒泉洗面座客鳥啣巾幾日僧寮去山
房一半塵

其八

酒正合彈誰醉鄉甲令知睡魔攬五嶺愁伯放
三危詞客花盈斗錢奴醋滿卮清譚都撥去只
許雅歌隨

九月二日盛集諸公郊遊至二聖寺仍用

散木韻

瀟散與秋宜
枇杷樹下棋
衣紋粘草地
人影散花池
石望僧流梵
霞江雁譜詩
空臺聊戲馬
預取茱萸時

其二

莎徑許誰通
香寮紫翠中
窗脚半嶺日
院鎖一池風
認藥收花片
闍題得草蟲
玄言三五反
少

欲困支公

其三

折柬召僧休
儒禪結伴遊
藻心遮戒律
觴政黜軻坵
壁冷啼蟲暮
雲盤怒隼秋
小童閒理檝
歌板上漁舟

其四

靖節一生懶
秋來有底忙
妻兒團菊社
賓客守糟牀
西肆馳蹄熟
東鄰斲甲香
山中無姓字
呼

袁中郎先生全集 卷五
我作高陽

其五

白馬紫韁遊溪光湛碧秋蛾眉司酒監大鼻領
曹頭袖點蕎花雪杯香芳葉溝山房間料理菊
晚是吾憂

其六

閒尋古釣磯樹影與波暉乾鵲一生喜焦鷄半
畝飛奴囂亡酒具客醉唾僧衣又趨蘆花去長

歌緩棹歸

其七

偶然深樹裏乍得野鷗親蔓棘衣間路松風聒
靜人橋邊紅累子花底碧紗巾怕掠青苔去空
階不掃塵

其八

獨樹扣銀誰幽人覓故知斜鬟溪女笑中路板
橋危山戶蟲封蠟花鄉果薦卮白公君記取是

處有僧隨

九月初五日得三弟京闈第三報志喜仍

用散木韻踐前約也

高科晚最宜先着是卑棋潭躍新龍子天還舊
鳳池恩門侵曉轡秋卷早朝詩一點射堂月開
尊憶昔時

其二

東華曉氣通南省謝班中絕景霜蹄道垂天老

翻風酒澆退筆塚花煖蛙書蟲更念同門友藍
衫待至公

其三

磊塊破除休幾年禽向遊全家呼季子舉國號
糟坵帝里雲霞爛故山松桂秋名成不受爵同
上五湖舟

其四

讀書依梵侶靜裏幾番忙白骨通文字青蒲作

講牀月花根幹老天女鬢鬟香偶見題名處挑
燈感渭陽 先侍御舅鄉書亦中第三

其五

四海論交游文場二十秋卷中生紫微鏡裏換
霜頭古寺鄰宮月寒涼響御溝高堂微啓齒銷
却幾年憂

其六

辭却舊花磯紅塵踏曉暉蠶心千葉老蝶翅九

衢飛愛組纏高士濃竿餌布衣賢昆得第日走
馬看山歸

其七

慷慨歌燕市依然屠狗親遠山隨酒媪胡粉抹
天人異服花紋袴高風墊角巾緋桃一夜雨浣
却素衣塵

其八

百畝青山誰孤藤卽舊知閒雲投遠曠倦羽避

高危重叠花前板朋從几上卮滿扳三五稔季
也擲冠隨

舟行黃金口同散木王回飲

鄉落也陶然籬花古岸邊田翁捫蝨坐溪女帶
竿眠小港蘆租戶低倉米稅船河刀與生酒興
劇不論錢

又九日偕諸叔及諸季昆散木陳正夫王

回登高孟溪劇飲

笑謔有卑尊飛籌迭盎盆一灣茶棗市合族水
雲村小管吹蘆葉魁壘臥柳根未須量斗石強
飲倍齊髡

和散木登高之作

落日度微岑紅霞帶碧林漁箱風卷日客哨晚
傳金波瞥勞魚尾雲挑古鶴心醉歸如夢裏鼓
馬路昏沉

村居襍題

古柳半心枯樓臺瀉碧湖山花權作侑溪鳥乍
名奴鄰叟詢難字田家掛曆圖老松饒韻格屋
底近千株

其二

余族自丙戌以來大魁者一人通籍
者一人鄉書者三人入鄉校者幾四
十人村中業儒尤
多鄉書亦三人

似朱衣巷兒童問禮詩一村垂大帶十里望
丹旗小榜依蠻市枯楊臥水祠樹皮如蘇石老
盡寄生枝

散木和前詩仍用韻答

小雨潤苔枯魚父集曉湖著書要惠子作帖與
官奴夜雨天台約秋山瀑布圖霜花看漸老著
意養寒株

其二

山居無可好只是好吟詩砌葉封蟲戶鑪花戰
茗旗魚商填小市狐粉聚空祠偶到騎羊路紅
柑綴滿枝

再和散木韻

空塔銳草枯山影落澄湖花下春雲母霜中課
橘奴移家求水石捨宅事浮圖一笑掀髯去孤
峯絕頂株

其二

白石青烟夢空花水月詩禪鋒摧老敵糟壘豎
高旗雲溼簷簷嶺江寒杜若祠柳梅多手植忽
已見孫枝

集沈青平齋限韻

霜月寒衝瓦松風夜入爐麗歌飛楚雪方語襍
吳都閣裏藏幽鳥花間命女雛一窗雲氣冷白
水對清醕

其二

角杯椰子釀沈水博山爐酒至申三令詩成僮
五都茶花披冷豔筍竹放冬雛痛飲何妨夜西
鄰有濁醕

齋中閒夜小集

久語綠觥殘重帷犯月寒尋常杯酒事動作歲
年看石眼穿花瓣霜巖碎馬肝靜思膏火理一
倍使心安

其二

去去北山殘寒灰決定寒隨他花錦爛只作水
雲看空月舒顏面閒窗語肺肝新居頗料理最
喜竹平安

歲暮書懷得風字

指板付青童衰顏一笑紅斜波冰閃日虛屋柳
啼風樹影溪紋路鷗心鶴貌翁顛毛雪種種只
合老牆東

其二

衰至學無功家鄉是醉中更無催老曆只有解
醒風日日添髭白年年換頰紅騰騰一枕去直
欲傲天工

次峯字韻

平常心遠處卽是最高峯
小闢池三畝橫開室
幾重花枝宜古瘦
酒味去甘濃
莫道追隨厭
讀書老亦慵

其二

時小脩北書至

近沼添回道當窗作小峯
書來燕雪滿夢去越
山重谷水烹茶冽
螺烟滲紙濃
經冬人事減
多半爲花慵

小竹林蠟梅盛開兼贈主人

頓覺水沉麝幽香襲
一湖瘦枝梅韻格鮮
蒞桂肌膚月下高
真夢烟中靜
女圖主人無俗累
花性也清孤

和僧韻因贈

山僧能險語酷似李才
江坐久衣粘石人歸雪
滿窗看雲開竹戶會境
寫花幢手把枯藤去
孤清鶴一雙

甲辰元旦飲劉繩之梅花下聽歌時一衲
在側

小豔催花發長眉帶柳來醉憐迴雪舞老怕失
年杯笑靨生春暈禪心試冷灰一尊一板去村
舍幾題梅

花朝月下泛舟限四韻

練水拍平橋流連暮復朝都將花歲月收入酒
科條溪閣千場笑風柯十里腰玲瓏歌莫止面

上怕紅消

清明

弱女紫絲筐藤花刺路傍柳繁風絮亂波淺水
茅香老學耕田法貧添省事方頭茶與鮮筍刻
日待新嘗

石馬莊夜集得封字

苦瘦角詩容題函半尺封夜沉歌板怯窗冷印
香慵醪瀉杯光豔燈分字影重若非文戰苦何

以約談鋒

竹林限四韻

百回經眼地倍倍惜高寒遶屋香成澗摩天碧
洗瀾花頭豐似頰枝底囀如丸縱是酣名客頻
遊也挂冠

其二

百畝亭亭綠風梢作意寒只如無市井長似有
波瀾適性琴三疊尊生藥一丸蒼髯白塵尾都

學晉衣冠

竹林爲官谷物今屬小修四歲中凡三易
主矣余頻年興作故後半以自箴仍用
前韻

閱人如郵舍旁觀意也寒年年山易姓事事水
催瀾免作勞生計都無駐景丸東移復西改似
沐猴而冠

偶成

去去白雲層空江理釣
層竹方曾受削樗老不
堪繩靜悟競巢雀閒
觀撲紙蠅辟蠶聊易米裂
却舊吳繪

湖上碧酣樓落成

聊作棲身地遂成隱者家
三面修閣子四度看
荷花碎影方塘月蒼烟
活水茶稚川徒自累白
首戀丹砂

暑中舟行入村舍偕冷雲及明教居士

深林棗實紅沙鳥立陰
中曠野雲燒日平川雨
洗風酒香知社近村靜
識年豐漸看河橋上提
攜有醉翁

其二

拋却舊衫紅披蓑向此
中微雲縹碧水深樹綠
沈風官稅租能給山貲
了不豐撲頭隨衲子猶
可作龐翁

初入村居

割愛聊芟竹薙荒暫作橋雲嵐披舊址花鳥歷
前朝澗伏多年雪山深太古條南華志怪者不
達小逍遙

其二

一派松篁路聊通曲木橋山空狐女嘯樹古鳥
王朝花入玲瓏榭溪分婉孌條不知鴻近遠只
覺去人遙

七月六日

瞥眼花成實驚心鳥作橋婆婆巫覡笑齋沐老
僧朝薄月疎烟竹回風怒水條餘生施靜嶠轉
覺世途遙

山中

是處堪銷伏深林半沼臺水纜驅熱去月適送
風來滴歷松間露幽澄雨後苔十年前後事電
火與飛埃

山中限韻

山氣親藤杖花光耀酒鐙好風排日至佳月徹
旬明僧院碁頻覆田家座屢盈騰騰清睡裏證
得小無生

中秋偕諸衲泛舟洞庭

而地雲銷盡平湖絕點青琉璃天子月香水海
王城怒蛤排帆立神魚掣練行山僧精觀忍一
倍發光明

秋夜宿德山絕頂翫月前此看月江上頂

有善卷壇

江月峯頭月清光孰最多稍能增激灑終是讓
嗟哦深谷高巖在蒼顏白髮何古來師善卷未
必解塵羅

龍君超邀余過新置山莊莊在翠微中甚

幽僻

掃石移尊去披雲曳杖行岡巒頻轉換郭郭偶
生成溪盡田家出山迴仄路平遠峯稠疊起蒼

翠撲軒楹

其二

閒卽攀蘿上倦來枕石眠田廬陰翠壁雞犬入
層烟竹院通茶戶山鄉近水厓主人心但了勝
作苦形仙

其三

買足青山地幽回構屋居暮烟慈竹嶺秋水菊
花渠煉石爲方藥磨嵐寫道書丹砂如就得拔

去卽仙廬

其四

閉却層崖道人間了不知漁樵分氏族花果認
千支滴露新梧子叅雲老檜枝龍髯曾此去巒
壑也堪疑

德山遍入諸巖壑

總被閒驅使登臨也未閒霞光紅漲壁水氣綠
浮山遍入雲歧路熟觀石面顏似曾經眼過想

像不知還

夜入桃源縣月中

深村杞菊香壁影拂船涼和月和烟市全山全
水鄉高雲排鶴路怒沫響魚梁若箇垂綸客溪
頭舊姓黃

望淥蘿山有懷江淥蘿

好在青谿曲巖花石乳新空聞流水引不見淥
蘿人明月層層岫烏紗面面塵十年求道侶能

不憶仙鄰

題桃源縣

關處雲常至僮來鳥亦隨仙人成邑里煙水作
城池山有容空地溪無不怒時偶然嵐翠起一
縣綠離離

入桃花源

溪雨濯雲根花林水氣溫睡鸞常守月仙犬欲
遮門綠壁紅霞宅丹砂石髓村人中幾甲子洞

裏一黃昏

其二

白頭了髻子花裏去如仙鳥弄雲霞柵人耕芝
木田庚年看紅蕖生死在蒼烟認着鑪香去瞿
童火尙然

其三

花戶當雲關驛門臨水關何年騎馬客踏斷採
芝山古井沈烟霧空潭洗面顏坵陵一變海一

度到人間

其四

洞外一長楫人仙從此分看君如水影要我似
谿雲花氣薰崖戶霞光繞茜裙往來江海上鸞
鶴冀相聞

九月二十九日同羅服卿及社中諸兄弟

登高二聖寺

昔去逢秋至今來送九歸菊殘將入枕綿老漸

滾滾飛塵路蹄輪相伴居濁杯澆瘴月顛草襍
蠻書弔古悲無忌憂時托子虛蕉衫涼似水騎
馬欲焉如

閏九月一日羅服卿唐堯膺王以明劉繩
之王連玉及方平無煩兩翁夜集齋頭
得成字

竹外閒風雨瀟瀟又滿城杯行蘭炷落話盡酒
鑪鳴卷石欹窗瘦寒花倍老成喜逢巖錄事三

五令申明

燈下觀菊花影同社中諸友賦

清媚知無敵披麗實可憐易方惟月裏難寫是
風前才子影皆好傾城背亦妍趙昌真粉本一
洗黛螺烟

其二

一片籬花譜吳綃墨未成何人工點染添我作
淵明月浪沉沉路風香淡淡情騷魂多念汝夢

裏屈先生

其三

只與屏添豔全憑幻寫真光光能取影葉葉解
分身蘿月思前世松風夢故人黃筓信好手沒
骨有精神

其四

淡月莢莢碎微風剪剪疎折從欒大手寄與他
人居藻葉菱文浪雲官鳥紀書烟光與焰水一

種繪空虛

其五

舞影將流地頽香乍可聞玲瓏千朶月碎鎖一
窠雲押以無絃韻吟成沒字文長時嗔罔兩或
恐近夫君

其六

山中頻領畧得意是蕭疎半赭佳人後一簾溫
語初牆頽生畫意蛇鬪悟顛書離卽成三昧超

超實起余

其七

靜語一堂熏兕觥屢付君窿窪捫水影游戲寫
風紋倩女歸時魄巫山嫁後雲鼻根如滅却亦
可嗅清芬

其八

變體初從墨名家但姓黃空花新女弟烏有舊
兒郎函作仙人謎和成羽客方浮生虛妄等一

倍感歡場

五弟清梵閣落成閏九月九日同鄒伯學

王闓然王連玉劉繩之方平弟觴其上
得清字

隱几牙籤橫蠹魚漸次成花枝合苑影騷雅一
樓聲和薄盤餐瘦人閒笑韻清籬東香未歇展
限與淵明

過五弟天花館同郝公炎王尙父小酌

草草命窪罇秋花瘦滿盆題詩紅柏葉坐語綠
槐根僧懶遲鳴磬鴉昏不過村開簾見樹影月
在槿籬門

月下坐小閣

雛女笑咿啞疎簾委委斜酒澆清苦月詩慰寂
寥花影落回風雁光分坐樹鴉侍兒供茗碗幽
事在山家

秋夜痛飲李上舍家和公琰韻

冠珥墮紛紜清言了不聞鑪焦鳴暴雨杯背卷
春雲醉眼常疑柱顛書亂掃裙主人苛酒政起
立誦彈文

郝公炎邀過禪堂訪諸高衲

白袂與烏藤相邀訪定僧君言未合齒吾屐已
先登但省乾無事何憂百不能如臨幽澗水雖
小却清澄

其二

幽院日清和
牆苔與徑莎
到來閒坐
少始覺頂
毛多病亦強
人健愁猶勝
客歌且休談
出世入世又如何

時寒灰抱病

過法華練若

瘦柏多連架
寒花半入瓶
山僧輪堵語
幽客倚窗聽
苔壁三年墨
蔬園十畝青
茶烟細細起
竟日鑠柴扃

夜話清梵閣限韻

蕭騷葉滿窗
楓落話吳江
坐久枯蘭燼
言深倒酒缸
寒泉鳴廢圃
鄰月影高幢
碧楯方塘曲
昂藏老鶴雙

看諸友弈

竹影風軒外
楸枰石子聲
暫憑閒調度
消却苦經營
烏噴連花墮
紅雲潑面生
旁觀亦自喜
賴是學無成

其二

袁中書先生全集 卷五
窗下欹襟坐無人不看來時聞飛似雨忽有笑
如雷得意天山捷沈思槁木灰經營定何許九
地九天回

風林纖月落

瑟瑟殘規吐泠泠小籟吹偶然低遠碧恰好透
疎枝罨藻勾蘿去籠烟壓露垂歸樵與去艇處
處杜陵詩

其二

輪淺虛籠樹弓斜乍避鸞一痕光淺豔萬井氣
森寒恥作粧奩喻聊爲烟水看江湖多釣侶時
與校魚竿

其三

碎影平侵檻寒梢半妥輪裝幽來隱舍布景與
詞人只在風篁曲長依水石鄰東郊西浦上不
信有飛塵

其四

簾卷烟條重窗分翠疊澄詩要林處士圖請趙
吳興活景通千壑閒觀倚一藤匡牀誰對語合
有韻高僧

畫有工似有工意工似者親而近俗工意者
遠而近雅作詩亦然余此詩從似而入意者
也何遜之題梅也似而意者也子美之幸不
折來意而意者也李羣玉之玉鱗寂寂可謂
工似然亦不俗如林處士之霜禽粉蝶俗矣

至云疎影橫斜水邊籬落可謂意中之似若
李錦瑟輩直謎而已如雪詩則云欲舞定隨
曹植馬人日則云舜格有苗周稱流火此可
與工意者道哉謂之似亦未也唐人詠月多
矣如云只益丹心苦能添白髮明深沉古雅
非子美不能至公暫將弓并曲番與扇俱圓
此惡道語也似而俗者也

夜話春草堂限韻

刻日春杯醞消時筠管纖問風傳巷語備體襍
香奩山水堆脣角烟雲上指尖世緣如骰子遇
着偶然拈

其二

螺子春生豔蛾眉老避纖秬宜供剪尺不可更
粧奩時纈抽絲嫩新花出樣尖隴西見弓矢一
見一回拈

其三

陶令情非冶廣平賦偶織鸞臺朝洗硯春草夜
收奩倦翮猶思獵村眉也效尖白髮伴毛穎溷
上一時拈

喜蘇潛夫至柳浪座上限韻

入門簷鳥亂紅葉照青衫童子初馳笈花驄乍
解銜甕頭傾豔潑卷裏出巉巖屢眄楚音至秋
來信幾緘

其二

側帽花垂髻翻杯酒汚衫騷壇爲佐領麩部是
兼銜話久風掀席思奇筭出巖半宵酬和語題
滿一封緘

其三

小灰呼藤杖微喧去皂衫花頭當檻落鳥影入
杯銜對日浮三爵他時老一巖暫來猶有禁佛
語口須緘

集方平弟綠蔭堂古槐下卽事限韻

率爾生幽意非闕對水山苔枝垂酒盞蟲葉墮
烟鬟只此雙眉黛舒開一座顏婆娑醉老叟頂
領曲如彎

小修久住沙市蘇潛夫遲之十餘日矣雨
中集劉繩之高齋小修忽至賦得十灰
百里三回約無朝不眇來未曾離口齒忽已到
池臺酒病花銷去詩心竹引開篔簹舊老圃芟
草去塵灰

賦得裙拖六幅瀟湘水

細簡勻勻疊長牆靡靡瀾風回千皺亂花遶一
拖寒洛水羅呈出謝家練比看兩般俱死水爭
解舞驚鸞

賦得歡場害馬

惡態頻來見清談事每差杯微合券客庭老晒
禪花遇月長扃戶登山屢憶家每當歡飲夕三
五散如鴉

乍寒集王連玉宅小飲

淺屋低簷下春花滴小槽箸闌思蟹足話久算
絨袍竹語調刁切雲啼猶狄高等閒歷寒暑頭
裏換斑毛

丈石居小集送潛夫

底事心難盡窮宵說未終半槽平口水一葉打
霜風寒月衝煤焰枯株照粉紅別來元白語多
分在詩筒

代
隨例東門柳那堪折贈行早知雲易散何忍夢
難成小玉終無匹汪倫只有情別來林處士賣
鶴買新聲

送郝公炎南下

雪子落紛紛鳴濤遠送君夢回牛渚月書達敬
亭雲俗薄休懷刺交浮莫定文王充如有論應
使蔡邕聞

外甥毛雲花燭詩

玉立映澄壺兒郎洵美都香含新荳蔻花引嫩
鷓雛案小頻過額烟輕欲散鑪韋門素業好付
與外甥盧

夜起同廖道人扣王生門索酒酒行而雷
電大作衆皆辟易余興益豪至子夜乃
休

夜暖不成寐披衣聊起行一街絲雨暗半隙幌

燈明壁上烟黃字甕頭點滴聲乾蓮與烘筭倍
覺有心情

其二

天意蒼茫惡奔雷駕雨風書翻入甕肉兒走匿
牀中拍案山公叫霑唇思盞空歸途那用燭電
火照人紅

會長石詩來約以寒食見過用韻答之

湖上腰如許那能不繫人到門青李帖屈指永

和辰筍簌抽蓼嫩旗槍戰火新雲山無處少只
少自由身

架雲館類定袁中郎全集卷之五終

袁中書先生全集

卷五

三

